



ORGANI SHQYRTUES I PROKURIMIT

Sipas Nenit 109 të Ligjit nr. 04/L-042 për Prokurimin Publik të Republikës së Kosovës, i ndryshuar dhe plotësuar me ligjin Nr. 04/L-237, ligjin Nr. 05/L-068 dhe ligjin Nr. 05/L-092

Një ankesë kundër: **Ministria e Infrastruktures**

Numri i Prokurimit Nr. i AP: **205-19-1262-2-1-1**

Sa i përket tenderit për: **Mirëmbajtjen rutinore dhe dimërore të autoudhës A7 (Ibrahim Rugova) e A6, nga udhëkryqi A7 A6 deri ne kyqjen ne Konjuh si dhe rrugën Nacionale N9.**

Pjesa I - Mirëmbajtjen rutinore dhe dimërore të autoudhës A7 (Ibrahim Rugova), segmenti Morinë-Gjurgjicë

Pjesa II - Mirembajtja e autoudhes A7 segmenti Bresje – Besi, rruga nacionale N9, segmenti Bresje – Gjurgjicë, udhëkryqi A7 A6 deri ne kyqjen ne Konjuh dhe kyqja e auto udhës A6-A7 me rrugën Nacionale N2

ANKESË

1. Identifikimi i ankuesit*

Milenium Konstruktion"Sh.p.k dhe Integral Sh.p.k
(Shëno emrin e plotë të kompanisë suaj)

Rr. "Ahmet Krasniqi" PN
(Adresa)

Prishtinë
(Vendi)

044-155 760
(Numri Telefonit)

Misim Aliu
(Emri i plotë i përfaqësuesit të kompanisë suaj)
milenium-konstruktion@hotmail.com
(Adresa elektronike)

30.05.2019
(Data e parashtrimit të kërkesës)

2. Identifikimi i avokatit

10 000

(Kodi postar)
N/A
(Numri i Faks-it)



(Nënshkrimi dhe vëlla)

*Ankues do të thotë një palë e interesuar për parashtrim të ankesës.

2. Identifikimi i avokatit

Parashtruesi i ankesës mund ta parashtroj ankesën vetëm ose përmes avokatit të tij. Nëse ankesa parashtrohet përmes avokatit, atëherë duhet bashkangjitur autorizimin e përfaqësimit me PROKURË.

Shëno të dhënat si në vijim:

(Emri i avokatit)

(Adresa e plotë)

(Numri i Telefonit)

(Numri i faks-it)

(Adresa elektronike)

(Data e parashtrimit të ankesës)

(Nënshkrimi dhe vula)

3. Të dhënat mbi aktivitetin e prokurimit

[Shëno një përshkrim të shkurtër lidhur me datën dhe vendin në të cilën është publikuar “Njoftimi për Kontratë” apo “Njoftimi për konkurs të projektimit” dhe, nëse aplikohet “Njoftimi për dhënie të Kontratës”, “Njoftimi për Rezultatet e Konkursit të Projektimit” apo “Njoftimi për anulim të aktivitetit të prokurimit”, nëse aplikohet, afatin e fundit për dorëzimin e tenderit, datën dhe orën e fillimit të procesit për Hapjen e Tenderëve, si dhe kriteri për dhënie të kontratës]:

Data e njoftimit për kontratë me 18.03.2019 ne platformën E-prokurimi
Data e dorëzimit të ofertës me 19.04.2019 ora 14:00:00
Data e njoftimit për tenderuesin e eliminuar me 14.05.2019
Data e njoftimit për tenderuesin e suksesshëm me 14.05.2019
Data e paraqitjes së Kërkesës për Rishqyrtim nga OE “Milenium Konstruktion” Sh.p.k dhe Integral Sh.p.k me 17.05.2019
Vendimi për refuzim të kërkesës për rishqyrtim: 20.05.2019

4. Procesi i Hapjes së tenderëve, nëse aplikohet

A keni marrë pjesë në procesin e Hapjes së tenderëve? Nëse po, specifikoni shkurtimisht ecurinë e procesit të Hapjes së Tenderëve.

Po

☐

Jo

☐

E kemi pranuar Procesverbalin e Hapjes përmes E-prokurimit.

5. Njoftimi mbi Eliminimin e Tenderuesve, nëse aplikohet

A jeni njoftuar me shkrim lidhur me eliminimin tuaj nga pjesëmarrja e mëtutjeshme në aktivitetin e prokurimit ?

Po ☒

Jo ☐

6. Zgjidhja preliminare e mosmarrëveshjeve

A keni bërë kërkesë për rishqyrtim pranë AK lidhur me arsyet e eliminimit tuaj?

Po ☒

Jo ☐

Kërkesa për rishqyrtim është bërë me dt:17.05.2019, ndërsa vendimi për refuzim të kërkesës për rishqyrtim është pranuar me dt:20.05.2019

7. Dispozitat e shkelura nga Autoriteti Kontraktues

Specifikoni dispozitën ose dispozitat e LPP-së që supozohet të jenë shkelur nga Autoriteti Kontraktues që nga momenti i publikimit të Njoftimit për Kontratë/Konkurs të Projektimit, dhe nëse aplikohet gjerë në përmbylljen e këtij aktiviteti të prokurimit me publikimin e Njoftimit për Dhënien e Kontratës apo Njoftimit për Rezultatet e Konkursit të Projektimit apo Njoftimit për Anulim.

- Neni 1 i LPP-së
- Neni 6 i LPP-së
- Neni 7 i LPP-së
- Neni 59 i LPP-së
- Neni 60 i LPP-së

*** Sipas Nenit 118 të LPP, OSHP-ja do të kthej tarifën tuaj nëse ankesa aprovohet si e bazuar. OSHP-ja mund të kërkojë një gjobë shtesë deri në 5,000 Euro në rastet kur OSHP-ja konstaton që të gjitha apo cilado nga pretendimet e parashtruara në ankesë kanë qenë të rrejshme ose mashtruese.*

8. Deklaratë detale mbi faktet dhe argumentet

Përshkruani rrethanat faktike që përbëjnë supozimin për shkeljen e dispozitave të LPP-së. Ofroni deklaratë të qartë dhe të detajuar për faktet dhe argumentet të cilat mbështesin secilën bazë të ankesës tuaj.

Të nderuar, autoriteti kontraktues na ka njoftuar me letrën standarde për tenderues të eliminuar për

dy Lotet me dt:14.05.2019 me arsyetimin e eliminimit si në vijim:

Pjesa 1: Në dosjen e tenderit tek specifikimet teknike janë kërkuar dhjetë (10) borëheqësit (Pllugjet) dhe (10) dhjetë shpërndarësit automatik të kripës, ndërsa operatori ekonomik nuk ka ofruar dëshmi-dokument mbi pronësinë apo marrjen me qira të këtyre pajisjeve.

Pjesa 2: Në dosjen e tenderit tek specifikimet teknike janë kërkuar dhjetë (10) borëheqësit (Pllugjet) dhe (10) dhjetë shpërndarësit automatik të kripës, ndërsa operatori ekonomik ka ofruar dëshmi –dokument mbi pronësinë për 5 shpërndarësit automatik të kripës dhe 7 borëheqësit (plugjet).

Fillimisht, ju njoftojmë se AK-ja me dt:08.05.2019 ka kërkuar sqarime shitesë nga ne, duke na kërkuar që të ofrojmë dëshmi për pronësinë e pajisjeve për pjesën 2 dhe të sjellim dëshmi shitesë për pajisjet ku në VRD ceket kamion për pastrimin e rrugëve (p.sh pastrim i rrugëve mundet me qenë edhe me ujë).

Autoriteti kontraktues në letren standarde të kërkesës për sqarime të tenderit nuk e ka specifikuar qartë dhe në detaje se cilat pajisje na ka pranuar si valide dhe cilat jo, dhe se për cilat po kërkon sqarime, mirëpo letren për sqarime shitesë e ka përpiluar në mënyrë të përgjithshme vetëm për të krijuar huti dhe konfuzitet, ndërsa pastaj në arsyen e eliminimit për Lot 2 e ka precizuar më saktë se sa dëshmi i ka marr parasysh për shpërndarësit automatik të kripës dhe borëheqëset.

Ne si operatorë ekonomik i kemi të gjitha pajisjet e kërkuara nga autoriteti kontraktues dhe kjo mund të dëshmohet dhe vërtetohet edhe nga ana e autoritetit kontraktues e edhe nga OSHP-ja.

Në lidhje me kërkesën e lartpërmendur për sqarime shitesë, ne kemi ndërmarr veprime konkrete për të dëshmuar pajisjet tona, duke kontaktuar noterin z.Zyfer I.Aliu me dt:08.05.2019 dhe kemi kërkuar nga ai, që të del në vend të ngjarjes dhe të përpilojë aktin En Minutes në lidhje me pajisjet që ne i kemi në pronësi. Me të njëjtën datë noteri ka përpiluar aktin En Minutes, pasi i ka vizituar në vend të ngjarjes autoparqet e ndërmarrjeve dhe i ka verifikuar në vend të ngjarjes pajisjet me të cilat kemi ofertuar në këtë tender dhe ka verifikuar tërë dokumentacionin për makinat-kamionet të cilët janë të dedikuar për pastrimin e borës, duke konstatuar dhe verifikuar saktësinë e makinave-pajisjeve me gjendjen reale në vend të ngjarjes.

Noteri poashtu e ka cekur në aktin noterial si në vijim: *Se kamionet janë të importuar nga Zvicra dhe Gjermania, me të gjitha pasjisjet komplet, me ç'rast, të njëjtë janë doganuar gjithashtu me të gjitha pajisjet komplet dhe atë me një DUD doganor të vetëm, pra qartë rezulton se pajisjet e kamioneve nuk janë si pajisje të veçanta, të cilat do të bliheshin veç e veç dhe me DUD-a doganor veç e veç, por meqë kamionet janë importuar komplet me të gjitha pajisjet, edhe dogana e Kosovës, i ka doganuar në të njëjtën gjendje, pra, komplet dhe me një DUD doganor, edhe për hir të pajisjes complete, edhe për hir të ekonomizimit të shpenzimeve, racionalizimit të shpenzimeve dhe procedurave etj.*

Pas përpilimit të procesverbalit nga vendi i ngjarjes për verifikimin e makinerisë, ne me dt:10.05.2019 iu kemi kthyer përgjigje autoritetit kontraktues duke ia sqaruar gjendjen reale dhe faktike në lidhje me makinerinë-kamionet për pastrimin e borës dhe njëkohësisht ia kemi bashkangjitur edhe procesverbalin e noterit nga vendi i ngjarjes për verifikimin e makinerisë pra aktin En Minutes me Nr LRP.Nr.3495-2019,Ref.nr.698-2019.

Gjithashtu ju kemi sqaruar autoritetit kontraktues se pajisjet janë blerë nga Zvicra, Gjermania dhe kamionet janë importuar si tërësi d.m.th secili kamion së bashku me borëhedhëse (pllugjet) dhe shpërndarësit automatik të kripës, është doganuar si një tërësi me një DUD doganor të vetëm.

Edhe pas këtyre sqarimeve të bëra nga ana jonë, me Akt En minutes, autoriteti kontraktues siç

duket nuk i ka analizuar fare dëshmitë e ofruar nga ne dhe na ka eliminuar me arsyetimin që u cek më lartë.

Ju njoftojmë se përderisa shkruan në librezë të qarkullimit: Pajisje për pastrim të borës, automatikisht nënkupton që është e kompletuar me pajisje përcjellëse që përfshinë borëhedhset, pllugjet dhe shpërndarësit automatik të kripës, ndërsa nëse nuk do të ishte e kompletuar pajisja, do të shkruante vetëm pjesë për pastrim të borës.

Po ashtu ne kemi bërë kërkesë në qendër të regjistrimit të automjeteve që të lëshoj dokument të veçantë vetëm për pajisjet përcjellëse, por kemi marrë përgjigje se ato janë doganuar si tërësi dhe nuk mund të ndahen.

Sa i përket kompanisë tonë, ne jemi të specializuar në fushën e mirëmbajtjes së rrugëve dhe autoudhëve, ndërsa autoriteti kontraktues e din më së miri këtë fakt dhe i din shumë mirë dhe saktë kapacitetet tona sa i përket makinerive dhe pajisjeve-kamioneve për pastrimin e borës, sepse ne si operator ekonomik kemi qenë të shpërblyer me kontratë të kësaj natyre viteve të fundit, ku i kemi përfunduar të gjitha shërbimet dhe punët me përpikmëri me këto mjete dhe makineri që i kemi, kjo dëshmohet edhe me referencat e lëshuar nga vetë Ministria e Infrastruktës të dt:10.10.2017 dhe Nr.protokolli 7770 dhe referencën tjetër të dt:18.04.2019 me nr.protokoli 4075, të cilat i keni të bashkangjitura me ankesë, e ku dëshmohet se ne jemi kompani serioze dhe e përgjegjshme na raport me autoritetin kontraktues dhe kryerjen e shërbimeve.

Zyrtarët përgjegjës për këtë aktivitet të prokurimit të AK-së, siç duket nuk kanë pasur vullnet fare për të verifikuar dhe sqaruar dëshmitë në lidhje me pronësinë apo marrjen me qira të pajisjeve, sepse edhe vetë përfaqësues të autoritetit kontraktues kanë mundur të dalin në vendin e ngjarjes për të vërtetuar dhe sqaruar se ne si operator ekonomik, a i kemi dëshmitë në lidhje me pronësinë. Madje kërkesë e AK-së në dosje të tenderit ka qenë si në vijim”

Ne dosje të tenderit thuhet : Lista e mjeteve, stabilimenteve dhe pajisjeve teknike që janë të domosdoshme për realizimin e projektit sipas specifikimit teknik në dosje të tenderit tek Aneksi 1 për pjesën I dhe pjesën 2.

Autoriteti kontraktues mund të bëjë verifikimin e çdo dokumenti si dhe inspektimin e kapaciteteve teknike / profesionale të gjithë operatorëve ekonomikë tenderues për qëllime të verifikimit.

Nëse operatori ekonomik ka paraqitur të dhëna të rrejshme automatikisht do të eliminohet nga vlerësimi dhe oferta e tij do të konsiderohet si ofertë e papërgjegjshme.

Pra autoriteti kontraktues ka mundur shumë lehtë të bëjë një verifikim të pajisjeve tona sepse këtë e lejon edhe legjislacioni i prokurimit dhe si mundësi ka qenë e parashikuar edhe në dosje të tenderit, mirëpo në këtë rast është dashur të ekzistojë vetëm vullneti nga ana e tyre dhe do të ishte sqaruar gjithçka, por autoriteti kontraktues nuk e ka ndërmarr një hap të tillë për të vërtetuar pretendimin tonë, se i posedojmë të gjitha pajisjet dhe makinerinë e kërkuar në lidhje me këtë aktivitet të prokurimit për Lotet si në vijim:

Pjesa I Mirëmbajtjen rutinore dhe dimërore të autoudhës A7 (Ibrahim Rugova), segmenti Morinë-Gjurgjicë

Pjesa II Mirembajtja e autoudhës A7 segmenti Bresje – Besi, rruga nacionale N9, segmenti Bresje – Gjurgjicë, udhëkryqi A7 A6 deri në kyqjen në Konjuh dhe kyqja e auto udhës A6-A7 me rrugën Nacionale N2

Në vendimin e dt:20.05.2019 për refuzim të kërkesës tonë për rishqyrtim, nuk ka dhënë asnjë arsye

faktike dhe ligjore se përse nuk janë marr parasysh sqarimet tona, por e ka refuzuar kërkesën tonë si formë shablloni dhe duke u bazuar në arsyen e eliminimit.

Ne si operatorë ekonomik kemi shpresuar që autoriteti kontraktues do të jetë më objektiv në vlerësim, të paktën pas ofrimit të dëshmimeve shtesë në lidhje me pronësinë e pajisjeve, mirëpo AK-ja nuk ka reflektuar në këtë drejtim, madje nuk ka reflektuar as pas kërkesës tonë për rishqyrtim.

Duke e parë këtë situatë dhe mos vullnet të autoritetit kontraktues për të marr parasysh sqarimet tona me dëshmi konkrete të noterizuara nga noteri, ne kemi ndërmarr hapa tjerë konkretë, pra kemi bërë veprime shtesë për të ju bërë të qartë dhe për ti bindur edhe autoritetin kontraktues e edhe juve si OSHP, se ne i posedojmë kamionet-pajisjet dhe të gjithë makinerinë komplet, siç është kërkuar në FDT dhe tek njoftimi për kontratë.

Pra ne kemi kërkuar nga Dogana e Kosovës dhe i kemi siguruar të gjithë Duda-doganor në mënyrë të veçantë për secilin kamion me pajisjet përkatëse të kërkuara, dhe të cilat Duda janë me vula të Doganës, dhe të cilat dëshmojnë se ne i kemi poseduar këto pajisje në momentin e ofertimit, por që kanë qenë të përhira me një DUD doganor.

I sqarojmë ekspertit shqyrtues, i cili do ta shqyrtojë këtë ankesë se të gjithë Duda Doganor (për dhjetë Pajisjet) janë të siguruar me vula, janë të bashkangjitura edhe librezat e këtyre makinerive dhe njëkohësisht janë të bashkangjitura edhe fotot e këtyre kamioneve me pajisje, e ku mund të vërtetohet përputhja në detaje e këtyre dëshmimeve ndërmjet veti dhe me dokumentet të cilat i kemi dorëzuar me ofertën tonë.

Pra si dëshmi i keni të bashkangjitura 10 Duda doganor, të vulosura nga Dogana, me fotografi të kamioneve-pajisjeve komplet të cilat janë importuar poashtu të vulosura nga Dogana, dhe bashkangjitur janë kopjet e librezave për këta kamionë-pajisje e ku mund të vërtetoni, se të gjitha dëshmitë në kopjet e librezave përputhen me dëshmitë e DUD-ve doganor. **Pra përputhen saktë numrat identifikues në librezë me numrat identifikues në Dud doganor për pajisjen përkatëse.**

Duke u bazuar në të gjitha dëshmitë që u cekën më lartë, kuptohet qartë se ne i plotësojmë të gjitha kërkesat e FDT-së dhe të njoftimit për kontratë për të dy Lotet dhe njëkohësisht jemi ofertues me të lirë në të dy lotet, prandaj është dashur të shpallemi fitues të këtyre loteve.

Duke u bazuar në të gjitha faktet dhe dëshmitë që u cekën më lartë, rezulton se autoriteti kontraktues nuk e ka bërë ekzaminimin, vlerësimin dhe krahasimin e tenderëve në harmoni me nenin 59 të LPP-së dhe njëkohësisht, ne nuk jemi trajtuar në mënyrë të barabartë siç parashihet në nenin 7 të LPP-së, pasi që jemi eliminuar edhe pse i plotësojmë të gjitha kërkesat e dosjes së tenderit dhe të njoftimit për kontratë.

Gjithashtu nuk është respektuar edhe neni 60 i LPP-së, sepse edhe në dosje të tenderit dhe tek njoftimi për kontratë, ka qenë e parashikuar kriteri kryesor për dhënie të kontratës, e që ka qenë tenderi i përgjegjshëm me çmim më të ulët, e që normalisht ne në të dy Lotet jemi të përgjegjshëm dhe kemi ofruar çmim më të ulët.

Ju njoftojmë, se autoritetet kontraktuese janë të obliguara që të sigurojnë që fondet publike dhe burimet publike të përdoren në mënyrën më ekonomike, njëkohësisht duke marrë në konsideratë qëllimin dhe lëndën e prokurimit ashtu siç parashihet në nenin 6 të LPP-së, ndërsa në këtë rast AK-ja nuk e ka marr parasysh këtë dispozitë ligjore.

Duke u bazuar në faktet që u përmenden më lartë, kërkojmë nga Organi Shqyrtues i Prokurimit që të shqyrtoj Ankesën tonë dhe të nxjerr:

VENDIM

APROVOHET, si e bazuar ankesa e OE "Milenium Konstruktion" Sh.p.k dhe Integral Sh.p.k-Prishtinë,

ANULOHET, njoftimi për dhënie të kontratës për të dy Lotet (pjesa 1 dhe 2) dhe lënda kthehet në **RIVLERËSIM**.

DETYROHET, autoriteti kontraktues që të bëjë rivlerësimin e ofertave konform dispozitave të LPP-së dhe konform kërkesave të FDT-së e të njoftimit për kontratë dhe njëkohësisht të shfrytëzojë nenin 59.2 dhe 72 të LPP-së në mënyrë objektive, nëse ka nevojë për sqarime shtesë.

9. Dëmet materiale

Përshkruaj mënyrën se si shkelja e supozuar i ka shkaktuar ose kërcënohet t'i shkaktojë dëme materiale parashtruesit të ankesës, ne rast se përfshini pretendime për kompensim.

Neve si Operator ekonomik na janë bërë dëme materiale dhe jomateriale. Për përgatitjen dhe dorëzimin e ofertës, shpenzime të letrës, stafit që kanë përgatitur ofertën, shpenzime të shërbimeve tjera, si dhe shpenzime në përgatitjen e kërkesës për rishqyrtim dhe ankesës, diku në vlerë 5, 000.00 €.Ndërsa fitimi i humbur nga këto kontrata në vlerë 15 %.

10. Lista e dokumenteve (dëshmime) të bashkangjitura

Nëse aplikohet, bashkëngjitni Ankesës dokumentet e renditura më poshtë:

- a) një kopje të publikimit të "Njoftimit për Kontratë" apo "Njoftimit për Konkurs të Projektimit.*
- b) një kopje të publikimit për "Njoftimin e Dhënies së Kontratës" apo "Njoftimin për Rezultatet e Konkursit të Projektimit" apo "Njoftimit për Anulim".*
- c) një kopje të letrës së eliminimit të tenderuesit/kandidatit/ letrës se tenderuesit të pasuksesshëm/ letrës për mos para-kualifikim.*
- d) një kopje të procesverbalit të hapjes publike të tenderëve, nëse aplikohet,*
- e) bashkëngjit një kopje të vendimit të miratuar nga AK gjatë kontekstit paraparak të zgjidhjes së mosmarrëveshjeve në përputhje me nenin 108A të LPP-se,*
- f) Dëshminë e pagesës së tarifës së ankimit në përputhje me nenin 118 të LPP-se, dhe*
- g) të gjitha korrespondencat e juaja me autoritetin kontraktues duke përfshirë e-mailat si dhe çdo informatë të shkruar që ka të bëjë me këtë aktivitet prokurimi, si dhe me secilin pretendim të paraqitur në ankesë.*

****Sipas Nenit 111.2 të LPP, Parashtruesi i ankesës, originalin e ankesës do t'ia dorëzojë OSHP-së dhe njëkohësisht një kopje do t'ia dërgojë në mënyrën më të shpejtë të mundshme Autoritetit Kontraktues.*